



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum Aragon XVIII

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

addatur, & coquantur. deniq; rutaceū oleum addatur, & cera, & fiat unguētum secundum artem. SE. Nos postea omnia reducimus ut ars ipsa exigit. BRAS. In capitis ulceribus unguentum hoc (liceat nunc illud unguētum uocare) mirum in modum proficit, plerosq; capite uulneratos, & in desperationem usq; positos hoc unguento in sanitatem restitui.

S E N E X. XVIII.

Vnguentum Aragon capello succedit. BRASA. A quo authore illud accipis? SE. A Nicolao Proposto in suo Antidotario, q̄ author ipse ita confici iubet.

Recipe roris marini

Maioranæ

Radici serpentariæ

Serpilli

Rutæ

Radici cucumeris asinini

Singul. unc. III. 5.

Foliorum lauri

Saluiæ

Sabinæ

Singul. drach. III.

Pulicariæ maioris, & minoris, idest helebori albi, et nigri Singulorum unc. VIII.

Bryoniæ unc. III.

Laureolæ unc. VIII.

Foliorum nepitæ

Siccidis

Mastiches

Olibani

Singulorum lib. semis.

Singulorum unc. VII.

Pyretri

BRASAVOLI

Pyretri
 Euphorbij
 Zingiberis
 Piperis
 Olei muscelini unc. semis
 Petrolei unc. I.
 Adipis ursini
 Olei laurini
 Butyri unc. III.
 Olei communis lib. V.
 Cerae lib. I. unc. III.

Singulorum unc. I.

Singulorum unc. III.

Herbae, & radices supradicta hora colligantur, uno, uel duabus diebus sint fortiter contusae, per septemq; dies in oleo ponantur, octavo autem die igni admouentur, & quo ad herbae destructae sint percoquantur, postea sacco uehementer colentur, & iterum hoc quod percolatum est igni admoueat, et cum bullire inceperit laurinum oleum addatur, butyrum, adeps ursinus, & cera, quae liquefacta petroleum addito, & muscelinum, postea mastichem, olibanum, gingiber, piper, pyrethrum, & euphorbium, tuncq; ab igne remoueat, & recondatur.

BRAS. Haec est ad uerbum Nicolai compositio. SE. Ad quos ualeat affectus? BRAS. Author ipse dicit ad dolorem ex frigiditate uiri, et mulieris ualere, tali modo inunctum, in oui testa primum igne calefacito, deinde superinungatur, postea calida testa patienti loco supra ponatur. SE. Nonne posset & in alia re calefieri ab oui putamine? BRAS. Posset & in pixide, & in paruo labello, sed haec non tam comode affecto loco aptari possunt, quia testa frangitur, & affecto inhaeret loco: conuenit

conuenit, & conuulſioni, & tetano, et dolori ilij, et re=
 num tali ordine ut ſuperis dictum eſt, arthritim patien=
 tibus prodeſt, & iſchiam, quartanarijs ſi ante acceſſio=
 nis horam ſpina, ut dictum eſt, inungatur. SE. Quid fa=
 cit oui teſta? BRAS. Caliditatem ſeruat, tamen ſi tu
 inungere uolueris poteſ teſtæ oui loco calidum linteum
 ponere, & apprime iuuabis, ego hoc unguëto utor cū li=
 thargyrio ad illos perungendos, qui ſcabie Gallica affe=
 cti ſunt, omneſq; proficiunt, & ſanitati reſtituuntur.
 SE. Vnde nomen hoc ſortitum eſt hoc unguentum ut
 Aragon uocetur. BRAS. Author inquit ita uocari,
 ac ſi dicatur adiutorium. At ego potius arbitror à ſua
 perennitate ita denominatum eſſe, nam diu perdurare
 pōt ut ἀπὸ τοῦ ἀφραγέος, i. ab infracto denominatum
 ſit, uel cum ῥάρον paruū acinum ſignificet, forte dictū
 eſt, ῥάρον quaſi non parui & non minimi momenti un=
 guentum. ualet deniq; ad omnes neruorum affectus à
 cauſa frigida factos. SE. Sunt ne aliqui pharmacopolæ
 qui aliud ſeruent unguentum Aragon ab iſto? BRAS.
 Nullus eſt qui hoc ita conſectum non ſeruet, tamē mul=
 tæ ſunt in ponderibus differentię & nōnullos uidi, qui
 oleum roſaceum cum moſco loco olei moſcilini accipie=
 bant, tu uero quid accipis? SE. Compositionem quan=
 dam paro quam & multi alij ſeruant eodem nomine in=
 ſignitam. ſ. oleo moſcilino. BRAS. Illam reſerto, ut
 intelligamus quo nam modo oleum hoc conſiciatur. SE.
 Ita ego conſicio.

Recipe olei lib. VI.

Aquæ lib. III.

BRASAVOLI

Folij	}	Singulorum unc. I. semis.
Spicæ		
Costi		
Mastiches		
Styracis calamitæ	}	Singulorum drach. VI.
Myrrhæ		
Croci		
Casie lignæ		
Gariophyllorū	}	Singulorum drach. III.
Opobalsami		
Bdellij		
Nucis indæ	}	Singulorum drach. I.
Maceris		

Concutiantur simul, postea bulliāt ad aquæ cōsumptionem, & percolentur, ac seruentur. BRASA. Miras audiui de hoc nomine muscelinum ethymologias, nōnulli dicunt ita uocari ob humiditatem, quæ in tuberositatibus ulmi inuenitur, ex qua cōfici inquit. at tu in tuo oleo humiditatem hanc non posuisti, neq; muscum addidisti, hoc ob aliquos noto qui à musco muscelinum appellant, alij muscelinum nominant, quia ben id est balanum myrepsicam eo nomine nuncupāt, propterea secundum istos oleum muscelinum est oleum balaninum, sed apud authores antiquos nusquam nomē hoc muscelinum pro balano, neq; oleum muscelinum pro balanino inuenitur. Alios inueni q̄ ita ferē conficiunt, ut tu retulisti, tñ et in rebus, et in pondere aliqua adest diuersitas. SE. Quo nam modo conficiunt. BRAS. Isto

Recipe olei communis lib. VI.

Aquæ lib. III.

Folij

Folij
Spicæ
Costi
Mastiches } Singulorum unc. I. semis.

Styracis calamitæ
Crocī
Mirrhæ
Castiæ lignæ
Xylobalsami } Singulorum drach. VI.

Gariophylorum
Carpobalsami
Bdellij } Singulorum drach. IIII.

Mucilaginis unc. I. aliter drach. I.

Nucis indicæ drach. II.

Hec omnia terantur crasso modo, & simul ad aquæ cōsumptionem bulliant, deinde colentur, & in uas probe obturatum reponantur. SE. Differentiam non uideo cum eo quod seruo. BRAS. Non quidem magna, sed aliqua adest, at hoc non magnifacio. SE. Est ne antiquus quispiam de hoc oleo locutus? BRAS. Reperitur apud Nicolaum Alexandrinum in suo de Compositione medicamentorum libro, capite septingentesimo duodecimo. SE. Ad quos conuenit affectus secundum Alexandrinum hoc oleum? BRAS. Audias quid dicat author, Optimum (inquit) ad omnē corporis frigiditatem, potissimum uētriculi, ad lateris dolorem de foris inunctum, & intro cum gingiberis galangæ, diagridij drachma una propinatū summe opitulat, stranguriosis, & coeliacis, & ad omne neruorū uitium illitum opti-

u ij me

BRASAVOLI

me facit, miscetur, medicaminibus, epithematibus, & emplastris, quæ ad stomachi, et renum affectiones asciscuntur, ita uero illud conficit author.

Recipe olei punici lib. VIII.

Aquæ sextarios. II.

Folij

Spicæ nardi

Costi

Mastiches

Singulorum unc. III.

Styracis

Croci

Myrrhæ

Castæ

Xylocinnami

Sing. unc. I. & semis.

Gariophyllorum

Carpobalsami

Bdellij

Singulorum unc. I.

Mosci drach. VI.

Nucis indicæ drach. IIII.

Ita uero conficiatur. folium, crocum, myrrham, xylocastiam, carpobalsamum, bdellium contusa, & in aqua biduo infusa cum oleo coque usq; ad consumptionem, & post infrigidationem unius diei grauitur cola: deinde gariophyllorum, spicæ, costi, & nucis subtilissimum puluerem decoctioni adde, & in parte olei styracem, mastichen, moscum contusa immitte, iterumq; modicum ebulli, & infrigidatum diligenter reconde, usuiq; reserua, calefacit enim refrigerata membra, & debilibus robur inducit. SE. Non est ampla huius cõpositionis cū mea differentia

differentia, tamen hanc deinceps seruabo. BRASA. Compositio hæc nomen à musco contraxisse potest, quoniam illã copiose ingreditur. SE. Per punicum oleũ quid intelligere oportet. BRAS. Oleum oliuarum quod apud Punicos, & Aphricanos erat optimum.

SE N E X. XXIX.

Agrippæ unguentum se offert cõsiderandum. BRASA. In hoc unguento non multum differunt pharmaco polæ, nam omnes Nicolaum Propositum sequuntur qui ita conficit.

Recipe bryoniae lib. II.

Radicis ebulorum	} Singulorum unc. II.
Tribuli marini	
Radicis elaterij lib. I.	
Scillæ unc. VI.	
Iridis unc. III.	
Radicis filicis unc. II.	

Radices ter, uel quater probè abluantur, & in marmoreo mortario pistètur, & quatuor libræ olei lentiscini, uel cõmunis per duos dies addantur, at magis polleat, si per sex, uel septem permanerèt, quia calorem, & odorè, et efficaciam sibi uendicaret, tertio uero ad ignè ponantur, & tãdiu bulliant quoad emollescant, minuantur, ac frangantur: deinde in saccum ponantur, et exprimendo colentur, & cum colatum fuerit igni suspendatur, cumq; bullire incoeperit addantur unc. quindecim ceræ albissimæ, qua liquefacta ab igne deponatur, & cum infrigidatum fuerit colligito, & seruato. si radices in oleo dimittantur, unguentum efficacius euadit. SE. Ad quos ualet hoc unguentũ affectus? BRAS. A Ni-

u i ij colao